

U G O V O R
ZA IZVOĐENJE RADOVA NA SANACIJI MOKROG ČVORA I PODA U KABINETU PRAKTIČNE NASTAVE

Zaključen između:

1. **Elektrotehničke škole za energetiku Sarajevo**, ul.Zmaja od Bosne broj 37, koju zastupa **Samira Karamehić, direktorica** (u daljem tekstu: naručilac) i
2. **KONKRIT d.o.o. Sarajevo, Ulica: Marka Marulića broj 2**, kojeg zastupa **Edhem Hodžić**, direktor Društva, (u daljem tekstu: **izvođač**), kako slijedi:

član 1.

Naručilac naručuje, a **izvođač** prihvata da izvrši radove na sanaciji mokrog čvora i poda kabineta praktične nastave.

Izvođač se obavezuje da radove iz stava 1. ovog člana izvede prema usvojenoj ponudi broj:127-12/17. i broj 06-1437/2017. od 11.12.2017. godine, Izvještaju u toku i završetku e-aukcije od 14.12.2017. godine i predmjeru radova iz ove tenderske dokumentacije koji čine sastavni dio ovog ugovora.

član 2.

Cijena radova iz člana 1. ovog Ugovora utvrđena je na osnovu fiksnih jediničnih cijena i količina iz ponude, i iznosi ukupno

9.099,99 KM

(slovima: devethiljadadevetstotinadevedesetdevet i 99/100 KM)

Cijene su date sa uračunatim PDV-om.

član 3.

Ugovorne strane su saglasne da **naručilac** cijenu ugovorenih radova, iz člana 2. ovog Ugovora plati na sljedeći način:

- avansom u iznosu **20 % cijene**, što iznosi **1.820,00 KM (slovima: hiljaduosamstotinadvadeset i 00/100 KM)**, u roku od 7 (sedam) dana od potpisivanja ugovora,
- ostatak od **80 % cijene**, što iznosi **7.279,99 KM (slovima: sedamhiljadadvijestotinesedamdesetdevet i 99//100 KM)**, u roku od 7 (sedam) dana po izvršenoj primopredaji radova i ispostavi računa.

Naručilac će ugovorenu cijenu uplatiti na račun **izvođača** br. 3389002207712929 kod banke Unicredit bank dd Mostar.

član 4.

Izvođač se obavezuje da će ugovorene radove izvesti u skladu sa utvrđenim građevinskim propisima i standardima.

Izvođač se obavezuje da će ugovorene radove otpočeti odmah po uvođenju u posao i iste izvršiti najkasnije u roku od 20 (dvadeset) dana od dana ovjere početka radova u građevinskom dnevniku i uz konstataciju nadzornog organa iz člana 8. ovog Ugovora da su stvoreni svi uslovi za uvođenje u posao i početak radova.

Pod uvođenjem u posao, u smislu odredbi prethodnog stava, smatra se obaveza **naručioca**: da potpiše i ovjeri ovaj Ugovor, da plati eventualni avans, da ovjeri dan početka radova u građevinskom dnevniku, da **izvođaču** u skladu sa dogovorenom dinamikom radova preda predmetni prostor na izvođenje i da obezbjedi **izvođaču** nesmetan pristup i rad na predmetnim lokacijama.

Izvođač se obavezuje da će nakon okončanja radova u roku od sedam (7) dana, pismenim putem, zatražiti primopredaju istih uz koju će dostaviti građevinsku knjigu, građevinski dnevnik, pismenu izjavu izvođača o izvedenim radovima, pismeni izvještaj nadzora i sve dokaze o kvalitetu radova i ugrađenih materijala.

član 5.

Izvođač radova odgovara za kvalitet izvedenih radova računajući od dana izvršene primopredaje radova, s tim da garantni period u vremenu od 2 (dvije) godine traje od dana prijema radova. Unutar prethodno navedenog roka **izvođač** se obavezuje da o svom trošku, na pismeni zahtjev **naručioca**, u roku od 5 (pet) dana, otkloni sve nedostatke koji se pojave na izvedenim radovima uslijed nesolidnog izvođenja radova, odnosno ugradnje nekvalitetnog materijala. U slučaju da **izvođač** ne postupi po uslovima i rokovima utvrđenim stavom 3. ovog člana, **naručilac** stiče pravo da o trošku izvođača angažira treće lice za otklanjanje nesolidno i nekvalitetno izvedenih radova.

član 6.

Ugovoreni rok za izvođenje radova se može produžiti samo u slučaju više sile, za onoliko dana koliko su trajali razlozi produženja izazvani tom silom. Pod višom silom se podrazumijeva svaki događaj koji ugovorene strane nisu mogle predvidjeti i spriječiti, a koji omogućava ispunjenje ugovorene obaveze (npr. vremenski uslovi, štrajk i sl.). Postojanje okolnosti iz stava 1. ovog člana utvrđuju ugovorne strane i to na pismeni zahtjev **izvođača** u roku od 48 (četrdeset osam) sati od njihovog nastupanja.

član 7.

Pored obaveza utvrđenih građevinskim propisima i standardima u toj oblasti, **izvođač** se posebno obavezuje:

- da radove izvede prema projektu za izvođenje, tehničkim mjerama, propisima, normativima, standardima koji važe za građenje i normativima za kontrolu ispravnosti vodotoka,
- da ugrađuje materijale i elemente koji odgovaraju standardima, odnosno koji posjeduju atest (potvrda kvaliteta) izdate od strane nadležne organizacije registrirane za ispitivanje materijala,
- da osigura dokaze o kvalitetu radova i ugrađenih materijala,
- da sprovede mjere tehničke zaštite na radu na objektima iz člana 1. ovog ugovora,
- da obezbijedi sigurnost i zaštitu ljudi za vrijeme izvođenja radova,
- da odgovara za štete nastale prilikom izvođenja radova iz člana 1. ovog ugovora,
- da prilikom izvođenja radova poduzme sve mjere da ne nanosi štetu ili ometaju treća lica,
- da o svom trošku svakodnevno odvozi stari materijal i građevinski šut i održava čistim predmetni prostor,
- da na gradilištu svakodnevno vodi građevinsku knjigu i građevinski dnevnik radova, od kojih po 1 (jedan) primjerak za potrebe **naručioca**.

član 8.

Naručilac se obavezuje da odredi pravno lice koje će vršiti stručni nadzor nad izvođenjem ugovorenih radova.

Nadzorni organ iz stava 1. ovog člana mora:

- provjeriti i utvrditi da li se gradi u skladu sa odobrenjem za građenje, tehničkom dokumentacijom, Zakonom o prostornom uređenju ("Službene novine Kantona Sarajevo" br:7/05);
- provjeriti i utvrditi da li je kvalitet izvedenih radova, ugrađenih materijala i opreme u skladu sa zahtjevima projekta, te da je taj kvalitet dokazan propisanim ispitivanjima i dokumentima;
- potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolirati građevinsku knjigu i po potrebi vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu.

Ukoliko nadzorni organ utvrdi da pojedini radovi ne odgovaraju ugovorenom kvalitetu, **izvođač** je dužan da o svom trošku izvrši popravku ili ponovno izvođenje radova.

član 9.

Izvođač se obavezuje da za svaki dan prekoračenja roka iz člana 4. ovog Ugovora, ako rok nije obostrano produžen, plati **naručiocu**, na ime ugovorene kazne 0,2% ugovorene cijene, iz člana 2. ovog Ugovora, ali ne više od 5% ugovorene vrijednosti radova.

član 10.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima.



član 11.

Ugovorne strane su saglasne da će sve eventualne sporove nastale po ovom Ugovoru rješavati sporazumno, u suprotnom, nadležan je Općinski sud u Sarajevu.

član 12.

Ugovor je sačinjen u 4 (četiri) istovjetnih primjeraka od kojih svaka ugovorna strana zadržava po 2 (dva) primjerka.

Za **izvođača**,

" *Sarajevo* " *Doz. Doz.*
direktor,



Broj: *135-12/2017*

Sarajevo, *20. 12. 2017. god.*

Za **naručioca**,

Elektrotehnička škola za energetiku,
Direktorica škole,

Samira Karamehić, dipl.el.ing.
Broj: 02-1479/2017.

Sarajevo, 20.12.2017. godine